



SALA STAMPA DELLA SANTA SEDE **BOLLETTINO**

HOLY SEE PRESS OFFICE BUREAU DE PRESSE DU SAINT-SIÈGE PRESSEAMT DES HEILIGEN STUHL
OFICINA DE PRENSA DE LA SANTA SEDE SALA DE IMPRENSA DA SANTA SÉ
BIURO PRASOWE STOLICY APOSTOLSKIEJ دار الصحافة التابعة للكرسي الرسولي

N. 0303

Sabato 06.05.2017

Lettera del Santo Padre all'Inviato Speciale alla celebrazione conclusiva del Congresso Mariano del Kazakhstan presso la Cattedrale di "Nostra Signora di Fatima" a Karaganda, nel centenario delle apparizioni della Madonna di Fatima (13 maggio 2017)

In data 19 aprile 2017 è stata pubblicata la nomina dell'Em.mo Card. Paul Josef Cordes, Presidente emerito del Pontificio Consiglio "Cor Unum" a Inviato Speciale alla celebrazione conclusiva del Congresso Mariano del Kazakhstan, che si terrà il 13 maggio 2017 nella Cattedrale di "Nostra Signora di Fatima" a Karaganda, nel centenario delle apparizioni della Madonna di Fatima.

L'Em.mo Card. Paul Josef Cordes sarà accompagnato da una Missione Pontificia composta dai seguenti ecclesiastici:

- Rev.do Don Anton Berger, Parroco di San Michele Arcangelo (Charsk, diocesi di Karaganda);
- Rev.do Don Vadim Bielokopitov, Economo dell'arcidiocesi di Maria Santissima ad Astana.

Pubblichiamo di seguito la Lettera del Santo Padre all'Inviato Speciale:

Lettera del Santo Padre

Venerabili Fratri Nostro
PAULO IOSEPHO S.R.E. Cardinali CORDES
Praesidi olim Pontificii Consilii "Cor Unum"

"Beatam me dicent omnes generationes, quia fecit mihi magna, qui potens est" (Lc 1,48-49): haec Mariae Sanctissimae verba meditantes, laeto gratoque animo nuntium accepimus de eventibus, qui proximo mense Maio, occasione data centesimae anniversariae memoriae apparitionum Fatimae, Karagandae sollemni modo explebuntur. Diebus enim XI et XII memorati mensis Congressus Marianus Cazakistaniae agetur atque die XIII Celebratio conclusiva, nova in cathedrali ecclesia Karagandensi Dominae Nostrae Fatimensi dicata. Speramus et valde optamus quod tempus erit precis, meditationis atque spiritualis renovationis cunctis fidelibus dilectam

terram Cazakistaniae incolentibus.

Fausta quidem hac occasione data, Venerabilis Frater Adelius Dell'Oro, Episcopus Karagandensis, humanissime rogavit ut aliquem eminentem virum mitteremus, qui Nostras vices memorato tempore ibidem gereret Nostramque erga istum gregem dilectionem manifestaret. Itaque ad Te, Venerabilis Frater Noster, animum Nostrum vertimus, qui Praeses olim fuisti Pontificii Consilii "Cor Unum" nec non singulari excellis erga Matrem Dei devotione. Idcirco harum Litterarum vi Te designamus MISSUM EXTRAORDINARIUM NOSTRUM, mandatis Tibi factis, ut die XIII proximi mensis Maii in cathedrali ecclesia Dominae Nostrae Fatimensis Karagandae sacris celebritatibus Nostro nomine praesideas atque Nostros pastores sensus fidelibus ibi congregatis humaniter renunties. De Beata Maria Virgine loquens omnes, eius exemplum praebens, ad altiore etiam spiritalem vitam ducendam ea intercedente adhortaberis.

Dum per Te, Venerabilis Frater Noster, consalutamus Praesules, qui illuc etiam aliis ex Nationibus sunt venturi, christifideles laicos, publicarum auctoritatum mulieres virosque qui celebrationem participabunt, precibus Nostris omnes comitamur atque eos rogamus ut praeceptum caritatis in vita cotidiana usque diligentius servare pergant. Oportet enim ut cuncti fideles novis viribus novoque studio peculiarem dilectionem Christi Ecclesiae demonstrent atque fidei alacritatem.

Munus tuum magni sane ponderis aestimantes, peculiaris benevolentiae Nostrae pignus Apostolicam Benedictionem Tibi peramanter impertimus, universis celebrationis participibus transmittendam. Placet asseverare Nosmet Ipsos, illo die Fatimae adstantes atque pro Ecclesia totoque orbe orantes, singulari modo necessitates fidelium Cazakistaniae intercessionem Beatae Mariae Virginis de Fatima esse concredituros.

Ex Aedibus Vaticanis, die XXVI mensis Aprilis, anno MMXVII, Pontificatus Nostri quinto.

FRANCISCUS

[00686-LA.01] [Testo originale: Latino]
